

INUIT ATAQATIGIIT

Inatsisartuni



28. august 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **Nunatta kujataani nunaminertat ilaat nunarsuarmioqatigiit eriagisassaattut allattorsimaffimmut ilanngunniarneqarnerani UNESCO-p Kuannersuarni aatsitassarsiornissaq pillugu nunatsinnut apeqquteqarami suut apeqqutigai?**
 - a. **Apeqqutit qanoq imaqarpat?**
 - b. **Apeqqutaat nunatsinnit qanoq akissuteqarfigineqarpat?**
2. **Nunaminertat nunarsuarmioqatigiit eriagisassaattut inissinneqarsimasut aatsitassarsiortoqalissagaluarpat pitsaanngitsumik eqqorneqarsinnaappat?**

(Inatsisartuni ilaasortaq Bendt B. Kristiansen, Inuit Ataqatigiit)

Tunggavilersuutit:

Nunatta kujataani nunaminertani tallimaasuni UNESCO-p nunarsuarmi eriagisassatut allattorsimaffianut ilanngunneqarnissaanut misissuinermini suut apeqqutigineqarsimanersut paaserusunnarpoq, aatsitassarsiortoqarsinnaanerannullu tungasut apeqqutit suut nassiunneqarsimanersut.

Nunatsinni nunarsuarmi eriagisassatut nunaminertat arlallit ilanngunneqarsimaneri iluatinnaqimmat, takornariaqarnikkullu iluaqutaasinnaalluni, siunissami aatsitassarsiortoqassappat allattorsimaffimmut ilanngunniakuunerisa annaaneqarsinnaanerannik aarlerusuuteqassanerluta, apeqqutit nassiuppagut.

Ullut qulit suliffiusut qaangiutsinnagit akissuteqarfigineqarnissara kissaatigivara.